

# Hakaton.me — Hakuj crnogorski turizam!

Organizatori Hakatona, softverska kompanija – [Logate](#) i digitalna zajednica Crne Gore – [Digitalizuj.Me](#), najavljuju peti Hakaton, koji će se održati 26-28. maja 2017. godine na lokaciji Almara Beach Club u Tivtu. Događaj je namijenjen programerima, projekt menadžerima, grafičkim i interfejs dizajnerima, tj. svima koji temu kreiranja aplikacija doživljavaju bliskom, a puni su kreativnih ideja.

Tema samog hakatona je Hakuj turizam!, što znači da već možete razmišljati o interesantnim konceptima, hardveru, softveru, korisničkom iskustvu i upotrebljivosti vašeg potencijalnog rješenja. Ono što će biti otkriveno prvog dana Hakatona, jesu materijali koje će biti potrebno integrisati u vaša rješenja i služiti vam kao inspiracija. Niste valjda mislili da će vam zadatak biti lak?

Selekcija će biti poznata krajem maja. Organizatori zadržavaju pravo pre-selekcije najboljih timova. Individualne prijave su moguće, ali će nositi najmanji prioritet. Toplo vam sugeriramo da sakupite tim i prijavite se. Prijave se zatvaraju 15. maja 2017. u 23:59 h.

Pored prilike da se predstave žiriju na Spark.me takmičenju, najbolji tim očekuje i nagrada od 3.000 eura koju je obezbijedila Societe Generale Montenegro banka. Iz organizacije napominju da učesnici Hakatona moraju biti stariji od 18 godina, dok formirani timovi mogu brojati od dva do četiri člana.

Poželjne su timske prijave, ali dozvoljene su i individualne. Krajnji rok za prijavu je 15. maj 2017. godine. Više informacija o događaju kao i ostala pravila mogu pronaći na zvaničnoj stranici hakatona, [www.hakaton.me](#)